



洛陽九老祖龍學文集卷之三

五言四韻詩四十四首

題三教圓通堂

其堂在夔州開元寺內龍學時知制誥

師本佛之徒潛心老與儒一堂何所像三教此焉

俱香火長相續丹青久不渝高賢旌好事二記聳

龜趺

馬上讀韓吏部集

驅羸勸遠征尺箠亦慵擊却得開編看仍教縱轡  
行儒推文陽行詩許孟郊鳴盡日耽遺味渾如挹

大羹

至齊五月兩院獄空喜而成詠

厭預鈴齋議欣聞獄狴空  
三章開舊制五月紹遺  
風止繫垂衣治非干別駕  
功惟期四海內刑厝與  
周同

眠役于清偶書四韻寄示幕中賓客

經旬一水涓風土化縑衣  
豈敢嗟于役何當賦式  
微雲山晴特秀花木暖  
相暉期子同携手春游事  
勿違

齋中即書事

南事

軍累無多事朝晡且放衙  
吏人如野鹿公署似僧  
家京信曰求藥賓歡為闔  
茶亡懷塵俗外枕藉抵  
南華

毛先生廟

先生高世跡舊隱白雲深  
結宇知何代遺祠直至  
今地分杏壇影門接社蓮  
陰我亦希風者終朝託  
玉岑

贈廬山崇勝珂長老



珂也僧中秀曹溪得祖衣雲泉聊適性餅錫遂亡  
歸九月秋風老千山暮雨霏我來陪靜話相對兩  
無機

送承澤上人歸寧富沙

五老峰前見過從一歲餘還將隨客棹歸去侍親  
輿乞食注雲際牽吟臘雪初抵目清夜夢時復到  
羗廬

酬江西運使齊工部見寄

龍段彌年別茲仰道風夢曾唐使節喜忽得詩

筒詞藻春林秀恩私地鎮崇因將示知者傳誦滿  
江東

游韶石

純音何寂寞秀色自崔嵬岩草遺蕭在溪禽學鳳  
來余希探禹穴人似畏軒臺登眺秋風裡煩襟盡  
日開

吏隱宜春郡詩十首

以太常博士直集賢院皇祐五年知袁州

吏隱宜春郡年豐獄訟稀餘糧委南畝茂草滿園  
扉天意憐艱食民心恥盡衣萬家行樂處車馬有



吏隱宜春郡春山若畫圖  
織鱗時自躍幽鳥靜相  
呼曉浪噴寒雨晴嵐鏤綠  
蕪漁樵本吾事搔首重  
踟躕

吏隱宜春郡追惟二相賢

房瑄李德裕

節明天寶日業

茂會昌年友善曾何累  
朋誣亦自煎

瑄坐與李適之韋堅等善

貶宜春太守德裕為王端李漢等所誣貶為宜春長史

不才非不幸異代若

差肩

吏隱宜春郡閑思應舉時  
端居若貧賤徒步入京  
師誤寵乘軒鶴釣憂入廟  
犧功名在何許雙鬢已

垂絲

吏隱宜春郡鄉園去路賒  
問闕成客宦荏苒度年  
華出魚水吞餌辭山鳳在  
笈誰言千里隔夜々夢  
吾家

吏隱宜春郡同僚得俊髦  
純音等疏越餘又劇豪  
曹魏識青雲遠歌詞白雪  
高遂令遷客意不復賦  
離騷

吏隱宜春郡山城少客過  
靜中窺物理閑外養天和  
春暖尋花塢宵涼翫月波  
將迎者誰子勞逸兩

如何

吏隱宜春郡放懷詩酒間未能慙下俚幾欲效中

山杜甫藩籬窄尤積詩杜牧之優劣六季尚劉伶

幕帶慳高吟與沉醉榮辱詎相關

吏隱宜春郡窮通懶更占矜名遭巧譖晦跡喜深

潛昔慕狂為聖今師智養恬優游無一事不覺歲

時淹

吏隱宜春郡素餐誠有餘政教慙遂霸文藻謝嚴

徐使節分銅虎仙廬秘石渠君恩殊未報不敢治

歸歎

題紀信廟

漢祖臨危日將軍獨奮功一身雖是詐萬古盡言

忠樹老風聲澁天寒景色空我來觀廟貌無語對

村翁

昇州保寧寺鳳凰亭亭舊有亭中廢已久

鳳臺雖舊址亭榭新開荆棘榛蕪去江山氣象

來明君虞氏化賢守次公才遲爾離丹穴飛上

此臺時龍岡葉起

居鎮金陵

卷三

五



留題女郎臺

女郎臺上寺心影  
照湖光夜梵星辰近  
晨齋烏鵲忙烟滋楊柳綠  
風送芰荷香欲下還慵去  
凭欄到夕陽

春郊即事

東方騎曉騎南畝  
勸春耕試與牧童語  
曰知林鳥名雨前茶正小  
社後酒猶清可笑豚蹄祝  
暮車望豈輕

送李丞知京兆司錄

終從知己薦公近以知已又應辟書行  
章孫待制  
是任公領廷尉官  
聯重軍謀職任清華  
嚴春野秀紫閣晚嵐橫  
盡是供吟處歸曰新集成

送宋寺丞通判邛州

半刺侯藩重臨邛  
驛路賒將經灞陵  
樹先看洛陽花土物張  
騫竹民封卓氏家為君  
傷遠目日斷裛斜

秋日感懷

多病多愁客  
新秋百感生  
異鄉回土性  
孤宦見人



情業厭留燈讀田思帶雨耕不堪曉鑑潘鬢二毛成

寄潁州兄

川陸一千里炎涼六十旬意通書信少思入夢魂  
頻身外宦情薄眼前人事新祝兄無見念憂道不  
憂貧

舟次張澤阻風

舟楫雖佳興風波即畏途我心何所懼世路此無  
殊衝泥千艘泊爭頭萬怪趨飄然不終日揮手謝

淳沔

寄題漢州西湖兼簡知郡馬屯田

房相留遺愛清風湖水長人思浴池鳳誰識濟川  
航白雪徽音遠于太尉善琴洪鈞道化光還聞繼高躅  
新有召公棠

寄千乘劉殿丞求字人編

千乘劉夫子高名繼謫仙從居庇身邑已著字人  
編才入鍾嶸品文期鄭氏箋何當求副本長願播  
匏弦

寄信安判官張秘校

蓮幕從軍客蓬山典校人才章過鮑謝交契敵雷  
陳婉上謀畫暇翻上書問頻徒知感高義猶阻奉  
清塵

泗水

紀地復涵虛清疑顛氣俱東家遺教遠夏后建功  
殊冷色平吞魯長波迥勝吳

闕四句

沈康赴江西掾

高譽冠時英人皆倒履迎決科材尚屈掌獄職仍

輕滕閣吟登健吳山醉望清公餘如訪古一為問  
豐城

張唐民下第東歸

學古功非淺干時命尚遲拾青辜壯志垂白念慈  
親歸路天同遠生涯世自貧吾知君道在未達莫  
沾巾

送人作尉臨潼

年少文能老新曾射策來從橫傳古學慷慨濟時  
才黃綬官徒爾青雲志在哉他年歸會課逢子出



塵埃

書懷寄呈萊州張學士

從作東齊吏經年寡往來  
朱顏隨日減青眼為山  
開學政慙能政論材信不材  
何人慰孤寂知已在

蓬萊

累辱書問兼  
既筆詩故云

萬太博知惠州

惠州君未到聽我送君吟  
去路九韶石鄰封八桂  
林下車秋色老望闕海雲深  
善政多餘暇無忘惠  
好音

送新州陳式虞部

大庾嶺南郡新興事若何  
還珠合浦近辟惡密香  
多主聖天如覆時平海不波  
更逢賢太守應有袴  
襦歌

送蓮房與馬屯田

問遺不必貴要之資闕如蓮房  
三百枚采擬亦云  
初持以侑尊酒甘香即有餘  
野老獻芹意今予其  
有諸

題安成劉伯玉日新亭



積善家餘慶日新亭可云詩書盈机有道藝喜時  
聞兒侄既登學晨昏在克勤欲知榮地力此便是  
青雲

寄成都詩人謝希濤

常聞游蜀客來說謝希濤氣稟江山秀名曰翰墨

高新詩來自遠

去歲得詩三十首

密意念空勞拙句聊相

贈應煩報錯刀

洛陽九老祖龍學文集卷之三

洛陽九老祖龍學文集卷之四

絕句詩二十六首

秋曉寓目

梧桐冷墜秦宮井沆瀣光浮漢苑槃倚杵遠天垂  
六幕照梁初日上三竿

鴛鴦

水宿雲飛無定期雄雌兩七鎮相隨到頭不會天  
何意却使人生有別離

後池新柳

客來莫怪寡心情俗吏喧譁不喜聽多感後池楊  
柳眼一回相對一回青

水齋雲歷城春日對酒齊州  
數尺游絲拂面來數枝紅杏向人開眼前信美非  
吾土且勸春風酒一杯

戲別申申堂

翠柳和烟籠碧沿紅芳如火照諸鄰主公欲去寧  
無戀倚翠隈紅屬後人

汴水即事

波狂如箭雨如絲汎汎扁舟瞥鳥飛  
嗚櫓却思村舍聽鄰機

澄清閣在楚州

范滂雅志在澄清今日廉車命閣名  
其美奈何長是困蒼生

贈江州李虛一司戶

官况蕭條三語掾地居卑濕九江城  
宣室早晚君王召賈生

劉仙石在江州太平興國觀



神仙不死石常存萬古千秋表洞門人欲求真好  
修煉莫徒將杖叩苔痕

支機莫問君平肆取履誰修黃石祠深洞自開人  
不見何須惆悵憶當時

交代屯田遠惠書門紙尾批示若就江州

至軍兼可腹背游覽廬阜因成拙句且答

佳意南康軍

廬石在境好修春猶恨竒峰半屬鄰腹背徧游煩

示諭即當先謁落天真

將至南康道中

溼江輟棹整驂駢松路揚鞭入翠微好仙近郊人  
候望紛纒羽服與田衣

招二三僚友游廬阜

雨餘廬阜連天碧公退鈴齋盡日閑為報二三佳  
客道連須蠟屐共登山

游棲賢

偷得沉迷薄領身暫來林下訪幽人雲泉滿眼慵



歸去便擬拋官學隱淪

歌者李蘇仁齊州

歌妙累仁若貫珠歷城惟祇教蘇仁向當更唱陽  
春曲為爾今宵倒玉壺

過渦河

揚鞭策羸馬橋上一裴回欲擬臨渦賦慙無八斗

才

昔曹子建臨渦  
作賦書于鞭上

馬上口占

前年躡屩念歸歟今日乘軒類使乎千里班春憂

寄重自慙翻屬箇非天

登泰山簡同行

日、塵中眼不開暫登蒼翠喜游陪莫辭辛苦經  
難險大有人生不到來

又游靈巖

紅塵滿馬三回到青嶂迎人萬疊開却被野僧相  
顧笑區、還是暫時來

次韻酬陳判官見貽

一篇為惠枉瑤封疑得仙文自藥宮始信夫君才

力大居然天地入形籠陸機文賦云籠天地于形內

周咸職方笑臺

賈生太息唐衢哭感事傷時可奈何爭似君當堯

舜日臺頭大笑樂天和

感事

東家木鐸德音遠西竺金人像教來禮樂不與王

道絕吾民何日遂康哉

題蔡州壺仙觀龍學四月八日游蔡人每歲于是日來集此觀賞游

戲在城北十里許有仙榆數十株亦名大木觀

鴛老花殘過禁烟杖藜移步到壺仙家本是無塵地別是風光一洞天

聚為九老自咏

龍學目分司西京御史臺與司馬溫公

九人為真率會謂之九老

科名高厭玉階前歷任公卿四十年休道老夫無

事業兩扶紅日上青天英宗皇帝即位龍學充皇

使神宗皇帝即位是時龍學為開封府大尹

題蔡州東湖



夕陽水底霞鋪錦清夜波心月湧金此是東湖最佳處無人來伴水仙吟

咏蟹兒

千絲萬縷自經營本為藏身却誤身待得巧成歸鼎鑊不知輕暖屬他人

洛陽九老祖龍學文集卷之四

洛陽九老祖龍學文集卷之五

唱和詩一十五首

歐陽永叔送龍學赴陝府酌飲贈別

明日君當千里行今朝始共一樽酒豈惟明日難重持試思此會何嘗有京師九衢十二門車馬煌煌事奔走花開誰得屢相過蓋到莫辭頻舉手歡情落寞酒量減置我不須論老朽奈何公等氣方豪雲夢正當吞八九擇之散名重當世少也多奇晚方偶西州政事藹風謠右掖文章煥星斗待君



歸日我何為手把鋤犁汝陰叟  
龍學次韻和  
前日西行別翰林為我開樽飲之酒高冠滿座皆  
賢豪談笑喧呼時各有自慙流落疏游陪十載江  
湖成浪走主人名重聞四夷典冊高文推大手發  
揮六藝無遺精攷點百家如拉朽顧我昏冥聞遺  
晚代謝春秋四十九當年繫節傲金注此日強顏  
同木偶事功未者成尺寸廩祿惟思校丹丰會須  
歸去老東坡鼓腹含飴逐堯叟

是奎長文和

陝郡太守來告別翰林主人為置酒急喚尋常詩  
酒伴要誇此會為難有席間騁辨何快哉恰似縱  
九臨坂走詼諧往々笑絕倒同異時々瞋揮手共  
憐竒偉出塵冥却從昏愚浪枯朽從來豪舉必兼  
色擊節齊侯容九九我寔鄙鈍不曉事賢公采取  
寧非偶擇之文行衆所珍昔日乘槎犯牛斗年將  
老矣又分符莫遣安排用莊叟

劉敞原父和

驪駒在門且勿喧主人留客姑進酒一時轉眄已  
陳跡千里相望更何有祖侯毅名二十年天下英  
豪共奔走誰云白髮寄郎曹更喜朱幡入吾手揚  
雄天祿就寂寞名伯甘棠變枯朽乃知人事不如  
意自古十常有八九男兒何曾計出處時運由來  
有竒偶莫嫌青雲晚着鞭會取黃金大如斗君能  
日飲和天倪餘事無何付北叟

范鎮景仁和

史君分陝惜別離緩聽長吟速行酒荆山北面黃

河南千里封疆為已有往來無窮西復東袞、輪  
蹄利名走甘棠雖云勿翦伐未必從前不傷手當  
時遺愛安在哉賴有毅詩傳不朽擇之才又如新  
銅歷年何啻十有九胷中蘊蓄富術業此人直欲  
有人偶近世只知厨傳為不顧虛名似箕斗寄言  
道路如采詩但問樵夫與樵叟

江休復鄰幾和

西掖門外駐征軒脩書院中傾別酒諸公磊落方  
具來顧我衰遲亦何有祖侯銜使才北歸亟請甘



崇復西走函關侯吏齊引領翰林主人惜分手高  
談抵掌華屋頭賦咏題詩樂難朽飛觴舉白至無  
筭擊揖誓清不殮九着鞭壯士寧後時隱居先生  
仍喪偶各擇之法定國能飲重論石山公雅望潛增  
斗紛々醉袂影就判悵悵高陽一狂叟

梅堯臣聖俞和

古人相送贈以言今人相送舉以酒々行慙慙意  
豈疎酒罷躊躇悲更有行當何之來者誰陝州兵  
吏爭迎走壺漿往々過函關翰林惜別方携手自

言老夫遇知難願得公詩為不朽公因索筆作長  
謠落々寓言成十九我慙竹管厠宮懸縱合律度  
應亦偶太守西行已不貧忽獲明珠盈大斗歸立  
螭頭未是遲暫向棠陰問遺叟

龍學題袁州東湖盧肇石

袁山之陽秀水側草履遺基誰氏宅皆云子發其  
姓盧往以文章名籍々宅中舊物何所存惟有嶙  
峴一區石濶纔三尺高倍旬久卧沙塵羣瓦礫余  
心好異因獨往不馬環觀聊拂拭地表可見十二



三已足怪駭動鳧鳧呼玉運揮灑其旁挽以長安  
百夫力雜然鼓譟登大車恍爾如蒙巨靈擘選置  
東湖最佳處四面澄波映天碧倚空突兀無與隣  
頓覺亭臺增氣色穹環幽竇莫敢揮恐有乘龍飛  
霹靂余常南游到陽朔衆峰矗矗春笋直捫蘿踏  
蘚窮之遍若此奇車曾未識郡人奔走來如雲故  
老驚視復唧唧乃言此石遇真賞屈指于今年二  
百沉埋曠代誰爾修一日光價逾荆璧嗟余束髮  
大夫後區志尚惟孤直十年再謫非不窮猶慕

堅純無改易如何故老不我愚感物再三形歎息  
石不能言人有言勿使他時重湮泥

宛陵梅堯臣聖俞和都官郎中

胡公疎示揮之盧石詩目和之

袁州太守蓬山客來過盧家尋怪石盧家百物今  
已空唯石難移留舊蹟埋沒尚存三四分雨淋日  
炙如皴散太守惻然呼健兒荷鋤秉耨爭來後健  
兒掘土不見堅旋剝沙見圭隙漸奇漸異人忘  
勞更索更深知幾尺高峯削出高華骨虛竅鑿破

蛟螭額千指曳繩亞四輪擊鼓助力歸東陌東頭  
湖水傍黃渥洗盡何蒼碧故宅愈冷東湖喧貴賤  
競觀無碍太守隔自憐堅直心愛少憎多屢遭謫  
南至蒼梧及桂林名山遍訪無窮僻所且厭慣不  
入眼向此歌吟猶愛惜我思永叔滁陽時大誇石  
翠菱溪獲作詩遠寄子與蘇高唱相隨無節拍今  
知賢人趣向同玩好託情亡俗格建康從事胡公  
疎一見詫君如李白雄才落筆瀉天河綴韻孤清  
仍險窄入探虎穴誰為難薛通造化方能敵殿後

吾雖膽力強獨鞭疲馬終無益

樂安任大中和

宜陽刺史才祖擇之雄傑大旱雨一方盡使焦枯  
活公退趣高深水石探其絕長江北岸林唐有盧  
子發曾居此林下高把簪組脫歲遠成荒墟佳名  
詎泯沒有石數尺長猶是舊時物沈辱泥塗久實  
百堅重節擇之渡水見力為心慘切萬夫一呼聚  
曉動輻揭地嶮若驅來巖谷俱震裂幽輔郡東  
潮脫得太華骨白玉漏纖紋雨痕為灑刷草蔓漸



盤繞柳絲密，禪拂潤恐欲迸泉。怪亦有奧穴，安知無蟄龍。時見微出幾，因牽夜吟簾。曉捲殘月氣，暗逼人寒蒙。朧未苦，別烟重。風捲開，獨立勢突兀。蘇武見單于，傲晚腰不折。人皆畫將歸，手筆恨粗拙。擇之豈不賢，天涯避諛舌。對此憂足忘，我觀未甚悅。不得見，搗皇願。天無破缺。

廣陵蕭元宗和

石是人非世所傳，宜陽城郭古山川。和光瓦礫曾無累，委質泥沙積有年。地僻久為神物護，時來方

遇使君賢，介然作鎮東湖上。德政何當向此鑄。

盱江李泰伯題袁州東湖游堂呈龍學

古郡城池已枕江，重湖更在郡東方。水仙座下魚鱗赤，龍女門前橘樹香。路絕塵埃非洒埽，地無風雨亦清涼。使君待客多娛樂，只有醒時覺異鄉。

又題袁州宜春臺再呈龍學

謫官誰住小蓬萊，惟有宜春有古臺。千里待看毫末去，萬家攢作畫圖來。雲中羅綺香風落，月底笙歌醉夢回。莫怪江山苦相勸，騷人沒後得真才。

龍學和題東湖

晴煙暮崖淡湖光勢勝居然占一方拂水萬絲楊  
柳弱倚峯千蓋芰荷香縱游閑泛蘭舟穩半醉狂  
眠石席涼公退每來須度日却疑身出利名鄉

又和題宜春臺

異鄉何處散幽懷賴得城中百尺臺還向天涯經  
歲住那知春色為誰來雪消江上看梅發風暖衡  
陽有雁回強擬登高聊賦咏再三愧乏楚人才  
洛陽九老祖龍學文集卷之五

洛陽九老祖龍學文集卷之六

唱和詩三十九首

題尚書余襄公西園

尚書余靖在韶州居  
龍學時為廣南東路

轉運使

臺閣清風正凜然歸休車騎曲江邊及親已具三  
牲養眉郭新添二頃田菜子長年榮綵服衛公雅  
意樂平泉官閑道在心無悶推惜光陰事簡編  
尚書余襄公靖謝都運擇之見訪西園  
初聞結駟訪幽齋拂曙呼僮掃綠苔方愧蓬蒿開



徑晚已經騶馭過江來林間載酒情偏厚門外回  
舟事可怡交泰于今易離合感君篤舊重徘徊  
題余尚書山居要術  
張衡已作歸田賦泥勝重修種樹書願借山房精  
要術欲將蒿洛葺吾廬

尚書余襄公答都運擇之借山居要術  
經濟諒周當世務收藏敢秘老農書相逢莫羨山  
居好歸去蓬山有直廬

袁州慶豐堂十閑咏

皇祐五年十月二十一日

吏散鈴齋掩閑眠到日斜無端是春夢容易遠京  
華

鄭叡良可厭閑抱七絲琴欲識調弦意理人先理

心

年長身多病閑鈔已試方未甘先犬馬畢命報恩

光

青山日相對閑看白雲生誰謂無心出中含濟物  
情

曉按三盃後閑烹北苑茶色香俱絕品雪泛滿甌

花  
扁舟賓客少閑作道家裝跡靜心還靜逍遙覺日  
長  
而霽輕埃息閑吟面曲池游鱗時對擲雙破碧漣  
漪  
朝來因試筆閑答故交書莫怪音塵絕吾心與世  
踈  
漸老無功業閑思惜壯年桑榆如有得猶可勒燕  
然  
晴軒足清趣閑與鶴開籠寄語北山侶無驚蕙帳  
空

袁州通判陳侁和十首

時豐公事少筆硯任橫斜環郭江山秀人情等物  
華

有象堦前景無敲膝上琴何勞分鄭衛視聽不関  
心

窮谷寓形久慚無問俗方文章古刺史謂韓愈今昔  
竊餘光



穢草誅還密浮萍去又生輒污如鑑靜有客若為情

秀泉開舊梵初試仰山茶寂々有餘意池蓮三五花

園涉日成趣窮詩懶綴裝梁間冰雪句屈指歲華

長

洗竹遙山出疏泉到曲池可憐波萬頃龜勉對淪

漪

道院今猶古閑中事可書鷺鷥馴不去誰可得親

踈

登堂方再月已許慶豐年偶繼前賢跡承流頌裕

然

鴻鵠遠矧弋魚鳥脫池籠始覺一無物方知萬事

空

江西運使閻珣謝擇之學士惠示吏隱宜  
春郡十詩因成五十六言奉答

達觀終知世事勞利名都是一鴻毛登瀛自有仙  
游樂緩帶何妨吏隱高深意庇民躋富壽正辭華

國聳英髦搏風九萬期鵬翼且傲松軒弄彩毫

龍學和閻運使以詩見樊吏隱宜春郡詩  
狂吟何足話風騷和寡甘降郢唱高敢望語言同  
子夏競推多可是山濤九成豈後虞韻美一字終  
虛魯史衷自笑潢汙不盈尺猶將學海去滔上

李泰伯送春絕句一首呈龍學時在袁州

宜春臺上送春歸淚滴金杯不自知懊惱黃鶯解  
言語飛來惟見落花枝

龍學和

九十日春今日盡送春何況我偏知後期應在經  
殘臘重探梅開雪裡枝

盱江李泰伯送春絕句二首寄呈龍學泰伯

建昌人也  
時在建昌

去年春盡在宜春醉送東風淚滿巾今日春歸倍  
惆悵相逢不是去年人

東君此去幾時來雪裡梅根待暖迴莫似仙家勞  
落甚蟠桃千歲始重開

龍學和二首

卷六

五



憶時相逢甲午年與君同賦送春篇等閒又見春  
風老更捧新吟一惘然  
萬樹紅芳落漸稀浮榮能得幾多時孤根未識陽  
和力春去春來兩不知

龍學九日登宜春臺

落帽佳辰又到來黃花爛熳為誰開已經多歲衰  
容改更被無情急景催取次盃盤須盡醉隨宜歌  
管任頻陪却慚未報君恩重空向山林養不材

是日招郡庠職事同登宜春臺兼賦詩鄉

貢進士直學宋攄和

登高佳節喜重來會客依隨五馬開帽落秋風隨  
意適盃迎露菊趁時推東籬幸有主人席絳帳那  
逢上客陪時李恭伯預也欲報君恩話歸去不妨樽酒論  
文才

鄉貢進士教諭羅誘和

九日經年一再來不妨吏隱遣懷開時豐訟少欣  
多暇秋晚花黃儘任催幸遇登高筵晏樂喜容落  
帽客追陪預愁詔入三公去芹泮誰思樂育才

詠震山巖彭徵君釣臺

彭翁雲宜春人力學多通尤善講易陰  
陽圖緯無不精究注通元真經辭理深  
遠世所推重隱居不求聞達唐天寶中  
刺史李璟以其名聞上遣使者齊延丘  
以蒲輪徵之凡二往始至元宗欲官之  
徵君辭焉堅乞歸鄉上元元年六月卒  
年六十三葬東原有釣臺在震山之前  
本朝皇祐五年九月二十日休暇龍學

與郡僚游震山巖因以詠之震山離州  
東十里釣臺本一巨石紹興己未季春  
雷轟石斷

閑作山城吏隱居敬君真逸寓漁磯臺前巖畔清  
風在尚想烟波映芟衣

通判陳侁和

東有徵君真逸居有臺可釣傍漁磯志高不在魚  
并解回笑榮陽血染衣

京兆章友直和



巖曰更號震山居臺上猶存舊釣磯一派滄浪真  
隱處澄清尚可濯塵衣

盱江李恭伯和

此臺幽隱傍溪居小上巖陵一釣磯天寶詔雖搜  
逸切辭官歸服芟荷衣

洛陽九老祖龍學文集卷之六





